

Kempniczer, Johannem Bohemi, Conradum Bernhardi, Diter(icum) Botschern, Johannem Ruswinum, Heinricum Caldenkuchen, Heinricum Thimer, Petrus Fras, juvenis Kaufungen, dominica post Michaelis, in consules prefectos.

174.

1395 Dezember 5

Schied über einen Acker.

fol. 25r Devolutio unius agri ad beatem virginem. Wisset daz der acker, der Meynharden an der Crotengasse waz, den^{a)} nu der Swarcz Conczel hat, alzo geteidinget ist, in eyne vollen rath, daz der Swarcz Conczel den selbin acker sol ynne haben und gebruchen, dy weil er lebet, nach syme tod sol der acker lediclichin vallen zu Unser Liebin Frauenkirchen, wenne den acker Meynhard, Conczels bruder, in eyne rechten selegerete darczu beschiden. Und Conczel hat synen willen darczu gegebin, daz der acker nach synen tode lediclichin zu dem egnanten goteshuws gevallen sol ane aller syner frunde und erbnemen widerspruch, wenne der acker synes bruders Meynharden gewest ist, alz vorgeschr(ieben) stet. Actum M^o CCC^o XVC crastino Barbare.

a) über die Zeile geschrieben, ersetzt durchgestrichen der

175.

1396 Januar 20

Hennel Stiger leiht sich Geld und setzt sein Erbe als Pfand.

fol. 25r Pecunie Arnoldi. ^{a)}Wisset daz vor uns komen ist in unsern volen rat Hennel Stiger und hat da bekant, daz ym und synen erben Hensel Yseman von Peczeld Arnoldes wegen geligen haben czehen schog mysener gr. Vor dy phenninge zu phande hat Hennel Stiger Henseln Yseman^{b)} an Peczold Arnoldes kynder stat gesaczt syn erbe einen garten, acker und eyn wise, gelegen nyderwart der stege an der Mulda, dy erbe haben wir Henseln Ysenman an Arnolden kinders stat zu phande geligen vor dy egnanten czehen schog, alz phandes rechts ist.^{c)} Gescheen M^o CCC XVC die^{d)} Fabiani et Sebastiani.

a) alles durchgestrichen b) folgt durchgestrichen vor c) folgt durchgestrichen ggeb d) folgt durchgestrichen ggeb